



序

南齋詩集者予友大理丘君所爲詩也予嘗謂詩  
至三唐厥體大備後人縱極意求新要無能逾唐  
人閩闕邇來稱詩者逞逞尊宋黜唐夫宋詩未嘗  
不佳第沿唐以及宋則可尊宋而黜唐則不可間  
取而按之宋人之詩鮮不宗唐錢劉宗義山永叔  
聖俞宗退之北宋之蘇黃南宋之陸游共宗少陵  
而變態逾極其餘或學竒於李賀或學怪於盧仝  
學流易於元白學僻澁於孟郊學刻削句字於晚





唐諸家靡所不有大槩唐人尚醞藉宋人喜逕露  
唐人情與景涵才為法歛宋人無不可狀之景無  
不可鬯之情縱橫馳驟無不可竭之才與學故好  
竒者賞之其實皆唐人之支分派別也尊宋而黜  
唐譬之知有禰不知有祖其說僞已予持此論久  
因敘丘君詩聊一發之君詩和雅無叫囂弩張之  
氣較近唐音五言律尤勝清新雋永似劉長卿必  
傳也憶三十年前予通守黃州君亦以謫宦通守  
武昌雅相好也又以董漕之役嘗與君方舟下潯  
陽馬當浴揚子馮弔采石天門之勝時時酌酒高  
吟故集中載與予酬倡諸什得之行旅舟楫為多  
追維疇曩宛宛如昨日事而君墓已宿草矣假令  
九京可作吾知君之必有當於予言也叙君之詩  
其能無泣然也夫君名某字曙戒由翰林侍講外  
遷連判劇郡官至大理寺副移疾歸卒於家其家  
世治行例見志傳中不具著屬予敘者君之弟洗  
馬季貞先生也

康熙丙子中冬長至前五日商丘宋犖題於毘陵



舟次

舟次西十中冬以至節在日而五宋學限於夏前  
福李貞夫去也  
出於古制長亦與中不具者風行於林石之樂數  
聖皇賦賦博官其古聖典同歸樂識平亦東是者  
其前旋也其也六也其也其也其也其也其也其也  
武取下節其也其也其也其也其也其也其也其也  
出於古制長亦與中不具者風行於林石之樂數  
今世中其也其也其也其也其也其也其也其也  
其也其也其也其也其也其也其也其也其也其也  
其也其也其也其也其也其也其也其也其也其也

序

有大人君子之德利濟天下之才而無其位與時  
則蓬累而行爾若夫揚芳飛文策名天府龍翔而  
鳳舉乃復中道左遷宦游不達而徒指擢心賢雕  
琢文史抽秘騁妍以蘄附于立言而與窮巷文人  
爭身後之名其亦可悲也已丘曙戒先生淮之大  
賢而天下之望也少時掇科第入翰林官侍講浸  
浸乎大用矣乃一旦出為瓊州倅既又移武昌及  
入為大理寺副而先生無宦情矣拂衣懸車年六



十一卒于家先生位不躋德用未展才而獨工於詩楚粵又當天下山川竒秀處儋耳朱崖在海外大魚浮波揚鬣噴水水涌山立盪舟擊潏桅仄颿傾長年無人色而先生吟咏自若其在江夏公餘無事則日與四方名流張燕黃鶴樓刻燭賦詩絕不知有遷謫意故其為詩也溫厚和雅無軼軻侘傺幽憂孤憤之思然其游蹟所經多在大洋絕島危崖峭壑颶風疾雨之所鬚鬚鴟嘯蟻啼之所瀏慄耳目張皇心神恢愕以及陟岡采葛循南陔而望北闕感時咏物一寓之于詩予嘗慨夫古今人無大猷而居貴仕者所謂捧土揭木被文繡以登巖廊者也雖位三公祿萬鍾已奄奄如蝮志曾不幾時而影銷名歇猶格噉盡矣先生雖未大竟其用而二郡遺愛至今係人思文章爾雅又足光昭來世豈以一官之拓落為愴怛哉先生知景最深景客西軒五年雖一日數見必揖盛暑必冠每與景語輒以古誼相期故先生考終而景哭失聲如羊曇者情也先生沒後六年令弟洗馬公及賢子

南齋詩集 序  
迴始彙遺藁鐫諸梨遣倅奉書遠屬景序僉謂知  
先生之深者莫景若也陸賈有云書為曉者傳噫  
曉人豈易得而先生託末契于後生景誠不敢謂  
不知先生者也故序而歸之

康熙三十四年歲在旃蒙大淵獻壯月中浣錢唐  
後學馮景拜撰

序

南齋詩集計詩四百八十五首吾淮丘曙戒先生  
晚年所自訂南齋其讀書處遂以名集也先生詩  
積歲或數月輒成一集流布四方者不下十數種  
茲所存十之一二耳其用意嚴矣嗣君邇求懼其  
日久散佚將壽諸梨棗請序於予且曰此先子志  
也蓋曩者先生嘗館予齋中出斯集相質予遜謝  
未遑今先生往矣何敢復辭乃不揣而序之曰吾  
淮以詩顯者代不乏人枚都尉父子賦冠西京賦



亦古詩之流也唐以詩取士大曆十才子吉侍郎  
與焉晚季趙渭南名特著宋則徐張同時今節孝  
宛丘兩集與蘇黃秦晁並傳不朽嗚呼盛已自南  
渡以迄元明五百年來繼起寥寥近時間有作者  
吾不知與古人何如其詩具在可取而覆按也夫  
詩發於情無所感焉則亦不動或情緣境生往往  
坐困於濡毫伸紙之時才不足以達之也有其才  
矣又若奔駟僨轅莫可收束則受之以法然後各  
用其材質之所長標新領異總無失乎風人之旨

古之作者所以可傳予平日持論蓋如此今讀先  
生詩知予言之非迂也先生於詩有篤嗜不啻饑  
渴之於食飲少治舉子業未嘗暫輟吟哦蚤年登  
第棄去帖括益肆力於詩迨領史事同館皆當代  
鴻駿相與揚摧風雅鼓吹休明及萬里南遷浮沉  
於中外者踰二十年先生處之恬然而凡歲時之  
遷變道路之往來宦跡之遺迴人事之酬酢涉歷  
多而寄託遠無不觸而為詩而於君臣父子兄弟  
朋友間尤有至性焉纏綿肫摯於吾所持論數端



之內使讀其詩者撫卷流連愾然興歎而忠厚惻  
怛之心亦油然而生焉以是列於古作者之林何多  
讓哉或以未得盡讀先生諸集為憾先生負公輔  
之望長於經濟未及嚮用天下惜之於斯集存乎  
見少僅以詩見先生非知先生者也即於淮人之  
詩之中見先生之詩猶是淮人之見也夫

康熙乙亥長至前五日同郡弟劉沁區拜撰

序

詩緣情而發因感而殊才之與物給而善變其精  
氣相取勝氣相伏咸有生氣迎於莫知成乎心而  
筆舌從之如飲月波鮮傳風柯響非苟焉而作也  
嘗試以登臨驗之賦遊覽者一地一人而彼此前  
後之言絕不相襲不但我之耳目隨感遇以並移  
而物有神情景與時化固日遷而不一雖欲執陳  
詞摹定蹟其可得乎故詩之變巧歷不能窮生氣  
苟足舉天地間境皆有心心皆有筆筆皆有舌孽



以富有而禪以日新蓋有不可勝用者吾讀曙戒  
侍講之詩而益信其不誣也曙戒天授既奇師匠  
復古讀書等身著作亦等身凡金版玉匱之藏海  
上名山之旨沉鬱澹雅之思離堅合異之談昔人  
所謂總制清衷通為心極者也生平詩各有集如  
焚餘西清二草思親懷友諸作雋逸悽婉藹藹乎  
仁人孝子之言也早朝應制諸作春容典則煌煌  
乎清廟明堂之音也其他嶺海江漢入燕諸集温  
厚和平怨而不怒一唱三歎有風人之遺意焉事

隨遇轉情因感變畏其奇者以為才工愛其富者  
以為物博吾所歎折惟生氣流動月波忽晃風柯  
自鳴能使人躍然以舞悠然以泳而已昔歐陽永  
叔文章名世優游翰苑其自序歸田錄云備位朝  
廷與聞國政不能取容時叢謗怨曙戒浮沉簿書  
亦既有年異日復還中秘晉陟樞要搗藻揮毫比  
跡歐陽吾將拭目以觀盛事矣  
康熙丙寅秋同學弟陳台孫拜題

國文不志

南齋詩集舊序

桐園雜詠小序

姚 詵 夢士

韓退之序閑上人苟可以寓其巧智使機應於心  
 不挫於氣則神完而守固雖外物至不膠於心嘗  
 即退之之意而引申其說人之心有巧智焉是名  
 曰機機猶火也火不能自焚附木而光見機不能  
 自發假物而意通此寓之之說也故寓言十九漆  
 園名篇解曰親父不為其子媒親父譽之不若非  
 其父者也然則機之動也喜怒哀樂慮嘆變熟正



南齊詩集 舊序  
言之而無從也則於小物焉托之而於文辭焉達之故易有取乎瓜菀杞楊也書有取乎橘柚篔簹也禮有取乎竹筠松柏也春秋有取乎李梅麥菽也至於詩固專乎草木鳥獸而為言也而離騷之江蘼薜芷蘭蕙桂椒杜蘅芙蓉菘菹蕭艾其彰明較著者矣凡此皆機也皆心之所寓也而桐園三子亦以是而寓之於詩雖所言不出於桐園而其旨極遠或曰機者太上所不道三子又天下所稱無機事與機心者也今以是而寓之於詩毋乃漢

陰丈人所不貴乎曰不然勢利之機不可有道德之機不可無衰世之慮憂患之思聖人蓋重言之彼陰符之辭特偏於兵事者究之天地之化皆機也鳥足之根為蟻螬其葉為蝴蝶芻苢生腐蠶羊奚比於不筭久竹生青寧青寧生程程生馬馬生人人復反入於機萬物出於機入於機又何疑於桐園之詩願天下讀之者毋僅作味物觀也

楚遊草序

謝起秀 二峯

楚遊草者丘子曙戒侍其尊大夫出守漢陽之作



南齋詩集 舊序 二  
也漢陽為楚名勝鸚鵡黃鶴夾江相望古遷客騷  
人感憤留連多所題詠所謂詩以窮愁益工者也  
今曙戒以翩翩華胄宦寓名區入而趨庭請益則  
仕學交資出而騶從聯鑣則山川聳秀有何感憤  
有何窮愁而發於詩者悲壯淋漓沉著頓挫乃爾  
哉則曙戒之性情玄暢固不問可知若其尊大夫  
之廉平正直尤不言可推也何也夫今日之為二  
千石者庶事叢脞則賓客繁多苞苴公行則子弟  
竭蹶此其情也乃曙戒之所居者衙舍也獨能不

廢嘯歌所歷者郡治也獨能不輟聲律使非其尊  
大夫政簡刑清交游疎闊無事於賓客子弟之助  
惡能至此茲楚遊諸詩匪第紀江漢大堤之往蹟  
已也其亦良二千石之治狀存焉吾尤願觀國風  
者之採之矣

舫齋集序

胡從中 天仿

舫齋詩丘侍講曙戒出判瓊州府方自天津浮沂  
濟達淮之所為也讀其詩歷述山川亭障州郡與  
夫士女之故蹟欽崎荒寒烟雲墟落疑亦發其胸



心之所在而歎歔慷慨聊陳夫不平者乃曙戒不  
然也夸猶焉容與焉若將得意焉嗟乎異哉此何  
為者耶人莫不赫赫于富貴戚戚于貧賤而富貴  
亦有戚戚之勢是故古今人之為仕宦也或遠在  
異域或奏賦明光其生平之所學與生平之所守  
淺深亦大可見矣謝吏部玄暉始出尚書省也其  
言零落悲友朋歡虞讌兄弟何其霽如也守宣城  
出新林浦向版橋也有滄洲之趣何其怡然自適  
也沈侍中休文之新安江水至清淺深見底貽京

邑游好以為隔囂滓濯衣巾不肯獨樂何漫無缺  
望之情也若夫謝臨川靈運之初發石首也所云  
抱中孚勞貝錦何其過為憤懣且道路憶山中悽  
悽惻惻一何怨也之三子者皆自京華出守外地  
其情致各異文章醜好亦因之繇斯以觀則亦赫  
赫于富貴者未有不戚戚者也其戚戚者正以其  
富貴也是故不赫赫于富貴者未有戚戚者也其  
不戚戚者正不以其富貴也今曙戒之所言如此  
謝吏部也沈侍中也非謝臨川也則夫曙戒之為



言與夫其為人殆不可及者哉  
嶺海集序  
以其富貴古今所共釋今釋  
澹歸

東坡海外之作識解既進筆力隨之然憂讒畏譏  
往往蘊而不出時同酬唱者謫各異方世外之友  
如參寥輩欲泛海相尋又力止之萬斛源流束於  
乳泉一勺此亦詩運之厄也淮安丘子曙戒逸才  
雅度藉甚玉堂對調瓊南意致夸然無遷客之歎  
張子虞山以詩擅雄伯狹小寰中慨然負瓢同探  
奇甸晨夕賡吟遂成巨帙眎余海幢得盡讀之萬

里山川與心眼共相吞吐則此一行非曙戒宦轍  
之窮而詩運之盛也夫以無繫之胸傳之無畏之  
口比於黨禍情勢既寬而虞山朋友之樂復助其  
興會時而埴篲相協時而旗鼓相當豈非太虛魯  
直之所不能從而東坡亦為生妬者耶是集也曙  
戒至虞山賓而曙戒非至虞山非賓何也虞山為  
曙戒而來不為曙戒之官而來曙戒亦非屑屑於  
一官而來是故非曙戒則虞山之遊興不生非虞  
山則曙戒之詩情不壯遊興詩情虞山曙戒迭為



賓主以成其勝然後知屑屑於一官者之果不足  
以與於風雅之林也其無獨委之曙戒之詩運可  
也

嶺海集序

胡介旅堂

是人平居四時中夏葛冬裘隨俗俛仰足不出鄉  
縣其所見草不出蒿蒲木不出榆柳鳥獸不出烏  
鴉黃雀囿鹿囿豚拳石以為山行潦以為水亦何  
以見天地之大盡萬物之變而發吾神明之奇乃  
輕語於文章經術之故吾知其淺淺者也蘇軾之

文奇於海外杜甫之詩工於入蜀班超馬援之功  
名建於蠻方虎穴豈非見大而盡變而有以自發  
其奇乎吾友丘侍講曙戒張處士虞山君子人也  
子丑之間侍講左遷瓊州司馬而處士從之遊疑  
皆有憔悴鬱邑長沙澤畔之感乃二子不然也一  
葉輕舟溯江而上涉彭蠡歷十八灘度庾嶺入南  
雄浮江而下閱數十江兩航海始達於瓊幾萬里  
其中登頓所及耳目所接多僊靈窟宅氣候常春  
山有殊勢川無恒流奇葩珍卉怪禽異獸金精玉



胡旅堂必竟  
有才今此序  
亦異于他人  
者

英瑤珠文石舉足以決背盪胸動心駭目未可更  
僕數也且粵在天南瓊又在粵南二子從芷苧浮  
海出大洋沆瀣泚融渺瀰恂怛颶風黑浪礮石崩  
雲俯仰之間天地無餘死生一息望瓊州隱隱大  
洋中如點烟黑子俯視此身棲泊點烟黑子中如  
遊絲輕塵有無明滅不可復識矣二子乃悄然而  
悲嗒焉若喪相顧而歎曰天地之大萬物之變如  
此哉則向之從踞高踏厚中而自命文章經術真  
淺淺者也嗚呼噫嘻二子奇已難測量已豈必以

詩哉而丘張嶺海詩以傳

嶺海集序

靳應昇 茶坡

丘子曙戒以侍講出判瓊州或曰丘子年少登朝  
翱翔承明者六稔將不日致大用遠移何為或又  
曰不然丘子淹貫經術蒿目時艱雖以讀中秘書  
然不能不日向長安道騎馬磬折徒染衣塵即今  
出而佐一郡利賴民生惡知非其志及丘子過里  
門余廉其眉宇灑灑然究不見有毫髮未平之色  
逗漏其間且謂余丘生此行有三快若當賀不當



嘻也余曰何也丘子曰余生勉讀萬卷書未行萬里路今往矣快一瓊管為海島巖邦山高林大昔東坡就貶所築室以居而詩文愈益恣放余將造而弔焉快二余平生喜為詩奚囊所存多出少作此行跋荒徼浮炎海衝突於蠻烟毒瘴叢菁怪石之間將舉天地山川高深奇詭之趣盡發洩而為詩其所得不已多乎快三維時余與張子虞山聞言色炫而虞山遂慨然攘臂願與丘子偕計往還十有一月而丘子以入覲言旋各得詩三百餘首

今二子之詩之妙未遑具論大約以二子稱舊好素負奇懷會偕行萬有幾千里自能網羅川嶽雕鏤物象以是發洩為詩即欲不奇不可得但余獨有歎者人生於山水之遭逢友朋之投合或以約不赴或不期自來蓋有數焉若今日丘子之行為王事張子之行為友生皆適然為緣出人意表及讀其所為詩在二子正各寫其胸中含孕鬱勃歷落嶽崎之氣與山海爭雄然則天闢炎荒非以困遷客正以張詩人也丘子以為有三快豈欺我哉



抑昔東坡之在海外也穎開士欲披洋過訪東坡書止之不果來脫使當日有與共素心數晨夕險阻相依宮商相應如曙戒之與虞山更未知東坡儋耳之樂又復如何也

三入燕集序

靳應昇 茶坡

三入燕集者丘子曙戒第三次遊都門之詩也其始為諸生讀書辟雍時繼則釋褐時茲則繇外移瓊州入而輯瑞時也嗟乎丘子之為詩也勤矣然余不多丘子之勤於為詩而多丘子之能以其詩

自見其志當丘子外移瓊州遭時蹉跌意趣潦倒使憂怨憤鳴自發其佗際無聊之感夫亦恒情應爾乃觀其所為詩如懷舊感恩之作油然忠愛纏綿眷結於君國之際者惓惓不倦俾讀者流連淒斷潸然下涕而不能自己即其餘道路星霜銜杯送抱亦莫非和平夸澹之意既徘徊而多思更含情而寓興余則竊以謂丘子殆深於道者歟不然古失志之士一日隕獲則有呼昊天歌心憂者又不然憤懣之餘翻為嘲戲則更有誇乘翟於公庭



後緒顏於錫爵者廼丘子俱脫然不以之自處則  
今之人又焉得以人世偶然之得失榮辱芥蒂我  
丘子之胸中也哉夫詩者言志者也丘子之志春  
不增華寒不改葉其度量與古大臣爭烈非直為  
風雅存遺音已也余喜讀其詩而竊自謂有以窺  
其志故既序海南之集而又序乎此余豈多言者  
哉

西清焚餘草序

吳亢宗 次公

庚戌夏僕以先兄之戚告哀於楚扁舟舂跼焦石

爍金之下溯江而上行千六百里至鄂渚揖淮陰  
丘曙戒先生於郡署既數日先生觴僕於黃鵠磯  
僕為詩以謝辱以詩酬又越數日而先生出其前  
後所著詩若干卷屬僕刪定且督以言夫僕則何  
知詩既受而卒讀喟然歎興竊窺先生溫柔敦厚  
之旨知其於詩深有合也先生自午未間以文章  
受主知讀書中秘既六載於茲一旦調外而出之  
萬里之瓊席未煖又自瓊于役之燕不一年而奔  
走凡萬里者二已又自瓊遷倅武昌食外吏俸者



數載意其為詩必抑鬱困塞感憤無聊託之慷慨  
悲歌以見志今讀其嶺海入燕諸集忠愛悱惻眷  
懷不衰若忘其身為遷謫者嗟乎先生加於人一  
等矣而自其在石渠時所仰而事者若而人所推  
而挽者若而人以為重於先生者何限迺儼然  
舉不朽之業問序於布衣之老詩謂是足以當我  
嗟乎先生豈其陽浮慕之而姑罄折以謬為恭敬  
哉雖然夫僕則何知詩乃僕有以知先生之心矣  
昔人謂言為心之聲而詩又其精者今先生之詩

具在其已刻諸集而外有所謂西清焚餘草者其  
為體不一其為用亦不同郊廟之莊也朝會之大  
也應制之則也明發之慕也棠棣之思也錄別之  
戀戀也勗厲箴規之婉而直也感時詠物之寄慨  
遙而刻畫工也無不妙騁心機隨方合節非夫沈  
湎三百以博其源寢處十九以約其趣又烏能暢  
人已之懷宣堙鬱之旨若此乎要而論之四言鼻  
祖風雅間及韋曹秀句雅調厭人心意五古原本  
晉魏者不屑屑優孟選體神來之語時露一班七



古取材樂府時有佳句操調用韻俱極綜變五排步趨初唐風規不墜絕句寄興有餘而涉筆不覺整鍊至五七言近體心手相調罄控如舞如三河年少風流自賞又如幽燕老將氣韻沈雄美哉至矣其彈丸脫手時乎李于鱗論詩謂唐五言律無不佳者而高逵夫猶時時以古調入律李頗佳什吉光片羽劉長卿十首以還多不耐檢先生於二體幾數百首造句鍊字工入神奇意之所到直參少陵無論何李良由天懷愉懌故六情自調六情

無滯故宮商叶暢雖哲匠之縱橫輪扁之超悟何莫非雍雍和平進於大雅深有得於忠愛悱惻之旨哉夫僕則何知詩其在史則為張釋之之結襪王生魏信陵之執轡夸門監者所謂吾老且賤度無益於廷尉與故入市中以觀公子者蓋不待故人之相責從騎之竊罵然後知之矣是為序

七入燕集序

張新標 鞠存

余讀丘太史七入燕詩而知其性情為不可及也太史賦異敏少掇巍科讀書中秘風流弘長顧盼



南齊書集  
舊序  
其  
煒如一時有鳳蔚丹山龍吟碧海之日未幾而興  
嗟行邁閱歷風塵在他人處之正恐道之云遠情  
隨事遷英華剛落而太史則一寄之於詩所至通  
都大邑名山巨川無不於詩焉見之少陵夔門之  
行子瞻海外之作未之或過也邇來息影桐園心  
傷陟屺大有誓廬不返之意因迫於嚴命再賦京  
華與吾黨二三子握手言別醜酒賦詩為之一歌  
蓼莪一歌棠棣低回流連殆有難為情者此以需  
次有待星言遄歸投我以七入燕草覺其神愈旺

其氣愈厚其文采愈沉鬱而壯麗按之以律又何  
其心之細而理之醇也古詩直割陳思之席非江  
顏以下所可擬近體彷彿初盛不作詹詹細響至  
其原本忠孝敦篤友愛深有合於三百篇忠厚和  
平之旨豈獨風雅云爾乎士君子遭時不造凡有  
著述必期於培倫紀而厚風俗太史之立言太史  
之垂訓也言之不足故長言之此七入燕集之所  
由著也夫

入燕諸集序

陸嘉淑 水修



往余從亡友彥遠讀曙戒虞山兩先生嶺海集竊  
語彥遠子瞻歸海外久無詩矣山川如昨興寄寂  
寥窈渺靈異之氣鬱塞於驚濤駭浪間造物者惜  
之乃使曙戒以詞垣名宿出倅瓊島又挾虞山以  
往庶幾山川之靈有所寄以宣洩之焉彥遠深然  
吾言顧余未得從兩先生游知之固未盡也久之  
虞山與同郡宋射陵亦席林射陵亦彥遠友尺書  
招余至杭因得與虞山相遇於西泠葛嶺之側盡  
出其詩且屬余為序其時曙戒已遷官武昌又子

瞻遊處地大江南北扁舟短策登臨往反翰墨流  
傳故其詩曰武昌樊口竒絕處東坡先生留五季  
因語虞山曙戒今且歸必有詩如嶺海集者恨彥  
遠已逝無繇起九泉讀之而余又老卧丘園終未  
獲與曙戒值良用為恨不意丁巳之冬余應友人  
之招入燕而曙戒補官大理其弟季貞亦至相與  
俯仰今昨握手論心曙戒季貞寓庭空闊高臺踈  
榭遠瞰林岫時時開軒嘯侶飛觴染翰旅人留滯  
頗藉以陶寫幽憂然每念彥遠既沉夜壑虞山又



困長貧未嘗不慨然而悲為之惆悵而罷去也曙  
戒遂哀其入燕諸集示之亦以弁語見屬猶記嶺  
海集彥遠序成以示稚黃稚黃嘆息以為筆勢放  
縱實天下之奇作非此序無以稱是詩余方不逮  
若人何以序曙戒詩雖然士安序太冲三都今士  
安他文不少見正以太冲之力傳士安耳曙戒之  
詩卓犖瑰奇和平典麗無所不有其古近體于漢  
魏以下迄於三唐無所不具且昔人謂子瞻出海  
外得山水之助詩文益奇然子瞻晚遊儋耳已逼

遲暮曙戒去瓊倅時年力方富今且徇翔卿貳之  
班驥首雲霄之上造詣日益高深著述日益灝博  
有非子瞻所可望者然則曙戒之詩必傳之詩也  
而余亦且得為太冲之士安不已足深幸乎顧彥  
遠終其身以未得見曙戒為恨而余乃得親承其  
咳唾以盡讀其詩則勉應曙戒之命以為之序又  
有足以誇視彥遠者更無問其有當與否矣曙戒  
異日歸幸攜以示虞山虞山讀之當為我軒然而  
大笑也



大矣也

吳日觀卒謝以不遠山莫山餘之當然年博於

齊以公論區流戲者更無問其有詩賦否以

為其公論其詩賦其詩賦其詩賦其詩賦其

而余亦且野為太中之士定不日且其年

而余亦且野為太中之士定不日且其年

而余亦且野為太中之士定不日且其年

而余亦且野為太中之士定不日且其年

而余亦且野為太中之士定不日且其年

南齋詩集目錄

郊外口占

姑蘇懷古

河北旅夜答別舍弟季貞

劉馬莊晚宿

穆陵關道中

暮望前溪

旅嘆

古別離

九日晚集鉢池草堂

春燈曲

杏

榆

棗

過白下造謝二峯夫子不值

弔戶部周美如年伯

泊潯陽江

湖口

大雪嘆

早春偶成

漂母祠

南池步少陵韻

過韓莊湖

送戴簡庭下第歸

覆屋嘆

寄舍弟季貞下第

風吹樹

無題七首

客懷

懷靳茶坡

夏日館中遣懷

觀嘉禾應

制

秋日雨霽

詠螢火步魏給諫環溪

韻

將迎太夫人入京聞

舍弟季貞往省漢陽不果

對菊二首

丙申元旦

登毘盧閣

春夜月下和陸石齋二

首

喜舍弟季貞至燕三首

病中李保菴年伯見過兼送備兵荆西

送張考功鞠存罷歸

望晴

送舍弟季貞南歸



南齊詩集  
目錄  
二  
送沈繹堂先生分憲大梁  
九日退朝憶舍弟季貞

與潘從事南歸  
歲暮有懷故園

奉贈學士羅篁菴年伯南歸

擬郭景純遊仙詩  
丙申京邸除夕

丁酉元日早朝賜讌恭述

賦得春水滿四澤  
與嚴海及

時雨恭紀

擬古二首

送余雁峯同嚴古峯之東省

送趙五絃司李克州

雨夕  
夏杪戴簡庭招集徐家

亭子和白下謝二峯夫子韻

題金浩然畫報國寺松圖

八月一日聞雁與舍弟季貞限韻

贈同館鄧玉書新婚

送謝二峯夫子同舍弟季貞南歸二首

送方爾止南歸兼懷舍弟季貞

哭從弟子高  
戊戌元日奉  
母獻歲

喜新茶坡入都 廷試

送薛給諫式九歸鹽城二首

送黃行人蘭巖使東郡便道歸里二首

送同館史及超歸養

恭送 老母南歸 戊戌除夕

送同館沈青城還吳下附寄家書

報國寺看海棠 寒食 賜酒奉歸遙奠

雨先霖川伯兄中行五弟兼傷久也仲兄

周左台夫子入都賦呈

報謝二峯夫子

得淮酒同周左台夫子

家從兄小修開飲

早秋同項眉山耿近龍楊修楚過陳階六槐

軒有懷胡又弓 搗衣

送程伯建南歸 秋日過草橋園二首

豐臺尋菊還過望仙樓集草橋園同徐山琢

金式菴王石農家從兄小修限韻三首

贈王石農 咏西河新柳

赴瓊州答別諸館丈



南旋喜王石農同舟二首

舟泊天津酬同年孟亦若

晚泊安陵驛

上橋新霽

七夕泊董口對月

從兄小修於河口別去

中秋前一夕招望社諸子集放生池限亭船

二韻

金陵偶感

秦郵道中

擬古五首

舍弟季貞分韻

登金山同張虞山舍弟季貞

於鄧尉送閻牛叟北歸二首

京口留別王融生用姚山期起句

江上答別舍弟季貞二首

心寺前樓限韻

通州彭彥伯署中夜集

夜泊江口

金陵偶感

秦郵道中

擬古五首

舍弟季貞分韻

登金山同張虞山舍弟季貞

於鄧尉送閻牛叟北歸二首

京口留別王融生用姚山期起句

江上答別舍弟季貞二首

三山磯與舍弟季貞題壁韻同張虞山登廻瀾閣和

望小孤山同半里北遊石鐘山

望匡廬鄱陽曲二首

樵舍晚泊章江送春

臨江偶成新淦聞笛

峽江三首吉水忽雨步龔芝麓宗

伯韻過十八灘雜詩三首

贛江遣興和張虞山

與楊山立疊前韻自南康入大庾路僅百

里舟行五日江山偏側雜志觸目二首

南安晚眺過梅嶺二首

登觀音巖清遠峽二首

過佛山海幢寺訪澹歸上人

嶺南口占三首羊城旅夜用張虞山韻

過小塘詠荔支腰古驛

立將公舍立將曉發

曉發抵黃牛灣陽春山行



茶亭晚興

高涼道中遇方干霄雨

至率別

嶺西別金冶公大叅

晚趨三橋

舟進化州

出洋

晚泊遂溪舊縣港口

舍弟季貞送別張虞山有栢柳滿口血沾衣

之句偶拈誌感

宿海安守將宅

與張石兄夜話

秋日海南漫興二首

海南口占四首

北發寄季貞弟

北歸渡海

英利橋

雷陽中秋

晚行

遂溪道中二首

同張虞山步白藤山

化州山行三首

過那夏山

復過熱水

端州九日與陳康侯張

虞山飲古崧臺

登七星巖同陳康侯張

虞山二首

泊觀音巖聽張虞山彈

琴

過清溪

過曹溪水口不得登南華寺

雨中過劍鋒灘

英州謝楊汝隣贈石

悼鸚鵡

舟下十八灘

登望湖亭

望縱陽懷方爾止

真州次壁上韻

冬歸二首

河北別諸兄弟

曉行馬陵山

半城遇同年宋蓼天南還

邸夜孫惟一翰讀金式菴舍人見過

午日

出都

上谷旅夜見月

宿新樂公署感懷次壁

上韻

聞蟬

夏日晉州作

棗強道中

古意

棄婦歎

宿淨土菴

淒淒冬日五首

程婁東韻二首

季貞

紅橋招同鄭掌和龔半

前干孫豹人陳伯璣朱秋厓黃甫及張虞山

舍弟季貞泛舟

季貞

雨中望燕子磯有懷王



阮亭

泊魯港

阻風口號

江行晏起

泊張家渡

聞吳羽三罷澄邁北歸

途中未值

過別灘

虔州與楊天柱大令

南安與趙五絃郡丞

南雄立春

平圃守歲二首

滇陽峽

寒食訪梁芝五程周量

王震公諸子不遇

嶺南絕句

雨中過高峽山

看高峽山出雲

與徐健菴孝廉

春日自粵東赴京改補登舟有作

答安靖九

春暮江行

嶺上訪澹歸

市以雨泊

登滕王閣

望湖亭野步

自君之出矣二首

倪天章招同陳子九王

任公舍弟季貞夕飲一草亭有憶靳茶坡

程周量舍人舟過吾郡適兵至不泊以詩見

南齊書集  
遺蕪期北赴率爾答之二首

乙巳元旦

過龍興寺訪白孟新承

示新詩

喬石林招寓陶園適汪

季角見訪留同小飲

江艇

江上吊黃靖國墓

候館

估客詞

孫惟一翰讀過訪留飲

過寧國龔扶萬太守招飲疊嶂樓

趙天醉招飲許氏山亭復泛汶溪同謝二峯

夫子王石農金于民暨令姪又呂諸子四

首

雨行泰安道中

追哭靳茶坡

同孫作庭伊翁菴綦松

友曹澹餘諸同年集胡又弓署中

過綦松友陶月亭奉和原韵

同從弟慎菴南歸 楊村新月

答別胡天仿程婁東閣再彭百詩諸子

郟城吊古

沂州

途中酬孫惟一翰讀



花朝次河間遣懷 酬綦松友學士見贈二

絕句 都市口占五首

無題 三家店

景州道中小憩 山行二首

馬上晚望 月霽曉行

宿青駝寺 七夕後二日過愛園贈

汪叔定季角 愛園樓上與王西樵汪

叔定季角夜話時西樵先別悵然作

初冬江行 再登廻瀾閣見徐健庵

和舍弟季貞題壁詩率爾再和之

皖城却寄陳碧涵 春日署中與吳嵩三李

房六宋子章閑坐

臨洞庭懷金式菴常德胡虞野衡陽

遣懷 九日送秦惕菴夫子歸

毘陵 武昌北放舟

花朝酬宋牧仲通守招陪陳謙六陶漢為呂

季成諸使君 雨阻磨盤洲宋牧仲餉

以藕粉瓜絲謝之

於煙水亭別呂季成八日矣復遇老鸛口同  
過宋牧仲舟各出新詩相示即用季成韵

宋牧仲招同呂季成登岸小飲

同宋呂諸使君遊宋氏山林憩積真寺後圃

是日牧仲招集識舟亭五首

江臯曲

題丁繼之秦淮水閣用

錢牧齋壁上韵 泊燕子磯月下過弘濟

寺訪蒲菴上人和舍弟季貞壁上韵

已酉三月再泛紅橋同宋牧仲汪季角喬石

林韓醉白兼懷王阮亭諸君三首

同舍弟季貞招張虞山喬石林陪周樂園宋

牧仲夜飲 普應菴拜先大兄霖川

櫃 泊滄州

題馬西樵聽山堂 中元坐雨遲葉蕃仙不

至夜霽月明悵然有懷

秋日招華陰王山史會稽葉蕃仙溧陽彭爰

琴再宓同郡李條侯吳姬望嵩三集天壇

李道士亭子 酬別陳學山學士



秋日報國寺送王山史歸華陰  
將出都阮鶴縵夜至話別

出都 里二溪野步

聞雁 舟下分水

南歸至河口 與舍弟季貞別後旋以

詩至適阻風雪即還省

濬淺舟阻二舖再還省

舟阻平橋再還省

晚泊秦郵劉雪舫王維弘見過

瓜洲望月全友人賦

懷張虞山

輓蕭尺木

重登識舟亭

江上望九華

八里江除夜與友人

人日江行

午日張鞠存吏部飲餞

東溪

艤舟湖心寺哭亡兒達

湖心寺再別舍弟季貞

南陽觀荷

濟寧舟中苦熱

途次聞伊翁菴銀臺還歷下悵然奉懷

東昌來青禪院納涼

初秋高陽李相國招集心遠堂留連竟日即

席賦呈

庭陳學山項去浮秦補念諸同年讌集

感舊寄姜仲吉介眉兄弟

往遊西山道中作入香山寺

自香山寓目永感表忠善應承恩諸寺作

法海寺

中秋後一日喜鄉人偶

集寓齋

懷舍弟季貞

重陽前一日集杜湘草寓有懷故園

秋暮李雷中餞席偶得紅亭酒罷唱驪歌句

張虞山杜湘草相率拈和因足成之

途次

定州道中

客曉

和安靖九

同安靖九遊甘泉菴

小灘謠二首

雪夜望黎陽

至濬縣從弟慎菴署中二首

別同年安靖九劉夢闡南歸忽盜警復留



韓醉白邀泛紅橋因憶舊遊諸子

過劉昭華綠筠草堂

秋日陸咸一招泛郭家池

重九前四日同舍弟季貞攜酒過劉昭華綠  
筠草堂集超宗兼菴西樵姬望嵩三限筠  
字時兼菴先去

人日集止園懷陳階六隴右程維東平谷  
病中問舍弟西軒梅花

立秋日南齋植桂 豐臺絕句三首

贈李金門

懷陳階六南歸

高堰歎

送許竹隱之山陰

喜周子戴張姑思入都

喜方邵村入京用梁恒山大司農韻

秋日王慕齋大司馬招同白仲調王印周集

怡園二首

九月三日王阮亭夜集

方邵村宋牧仲清言雅致不似身在長安  
分贈三絕句 南歸道中次吳崧三韻

南齊詩集  
三月晦日用賈島起句

觀徐山琢家樂  
酬山曉暫禪師

九日懷舍弟季貞二首

贈閻再彭二首  
瞻岱

張夏道中  
宮詞

酬林方菴  
燕邸守歲

閏三月三日集諸僚友奉和白仲調

九日樂此園登高和張毅文

訪汪鈍翁竹林寺中

送宋牧仲比部之贛州權關四首

同舍弟季貞子迴姪過邁京邸守歲有懷家

大人適手書至併憶六弟止所暨兩幼弟

趙母貞節詩  
初夏同人過王慕齋大

司馬別墅看芍藥二首

午日雨中招諸子集白雲草堂送孫豹人鄧

孝威兩舍人還山同用李岷瞻韻二首

再送孫豹人  
送蔣彙征守河南

秋日感懷寄翁東山



七夕前一日陸冰修徐無動先後過白雲草堂同陳水壑舍弟季貞縱談竟夜

送李天生辭官歸養二首

秋日閑居和喬石林三首

己未除夕同舍弟季貞守歲二首

送丁雁水分巡南贛

中秋坐月三首

期李甥公凱遊黑龍潭

喜逢吳璫符

重九前一日張蔚宗大

令招集豐臺看菊

懷人六首

辛酉人日漫興

白雲草堂偶吟

九日送楊修楚太常假

歸二首

慰六弟止所下第南歸

與周紫海二首

答舍弟季貞除夕見懷

送劉水心南歸

答張又南大廷尉二首

晚泊戴家閘望鄭珠江屈鷺潭舟不至

與劉水心西軒夜坐

同劉水心送柯村弟之揚州限拈字

初夏李房六黃義文見過留同劉水心小酌

率拈少陵句

贈湯潛菴閣學巡撫江南四首

送童求上人還閩時住湖心寺

徐山琢少司馬招同劉水心吳姬望社湘草

集華平園限磯字

偶成

南齋詩集

山陽丘象升曙戒著

郊外口占

信步東臯外。尋春過石塘。落花隨地坐。沽酒逐壚  
嘗。溪水村村綠。林鶯箇箇黃。煖熏人自醉。簫鼓競  
年芳。

姑蘇懷古

臺委荒煙鹿有無。還依舊址吊姑蘇。禮先一飯寧  
吞越。軍合三江已沼吳。香逕花新留戲蝶。響廊麝



杳下啼鳥。祇今興廢都殘。夢惟剩湖山入畫圖。

河北旅夜答別舍弟季貞

疋馬孤城去。雙飛失雁鴻。東懸書屋冷。北過戍樓空。薄暮群分袂。來朝獨轉蓬。弟兄一杯酒。更進月明中。

劉馬莊晚宿

夜氣迷寒月。茅簷不蔽沙。澆愁沽豆酒。尋喜蓄燈花。秣馬催程早。鳴雞破夢賒。前途知遠近。日日問京華。

穆陵關道中

亂山蟠百里。行盡不知名。地絕迷昏曉。雲深失雨晴。危崖人欲墜。險道鳥猶驚。一望收齊魯。雄關萬古橫。

暮望前溪

極目青州驛。踟躕儼故廬。亂烟迷遠岫。孤月照荒墟。犬吠知村近。燈明覺店踈。到門牢繫馬。愁上詰朝車。

旅嘆

梁燕依春至。征衫尚著棉。西風違月令。北道少人烟。淅淅梅黃雨。陰陰麥秀天。客閒無一事。書劍總凄然。

古別離

送君游大梁。燒蕤飲醇漿。贈君金彈子。與君盛錦囊。春風上河岸。莫打鴛鴦散。

九日晚集鉢池草堂

草閣斜暉上。佳辰共俯臨。烟浮平<sub>雅</sub>墊<sub>淡</sub>動秋入。短籬深初月。窺踈牖。涼風送晚碁。登高餘興在。菊酒肯

辭斟

春燈曲

簫管三城欲四更。滿街猶擁踏歌聲。誰憐獨伴梅花影。短褐憑欄對月明。

杏

枝出南隣外。繁英半欲開。乍如曲江見。疑是上林栽。露滴胭脂淡。風飄燕羽來。酒帘寒食近。處處可銜杯。

榆



東風迴紫塞。驛路轉霏微。應節鑽新燧。編籬鄭渾  
姓植榆為籬護舊扉。參天迷遠市。夾道隱斜暉。為惜春  
無價。拋錢等雪飛。

棗

南呂牽牛正。家家剝棗時。雞心藏密葉。羊角挂高  
枝。棘刺無人近。陰岐動我思。還餘延老術。何用覓  
安期。

過白下造謝二峯夫子不值

久不見夫子。涉江問舊遊。寒煙起空墅。落日在高

樓。誰引東山屐。虛停白下舟。未能依丈席。相憶只  
含愁。

弔戶部周美如年伯

十載淹郎省。蕭然冷署春。青羶憐弱子。白髮慟慈  
親。遺綬當年。在空囊。此日貧。九原誰可托。絮酒一  
沾巾。

泊潯陽江

一片蘆花入望秋。蒼茫萬頃客心愁。月明山路衣  
初濕。風靜江潮未收。永夜獨憐青雀舫。高天遙



辨紫烟樓廬山有紫烟樓不因性嬾登臨廢難向柴桑續舊遊

湖口

兩峯夾峙俯江隈九派波迎面面開漁艇緩從雲外出樵歌高自月邊來秋殘木落紛如雨山激潮還怒若雷獨夜客懷何所寄澆愁剩有掌中杯

大雪嘆

羸弱自苦寒擁爐掩重門小童烹六花幽興轉飛翻亦有隣里人僵卧無養殮考曲就溝渠猶抱子

與孫急雪晚愈大哀呼傷心魂安得吹鄒律普天回春温

早春偶成

逡巡百事一無能度日長依酒數升家計自慚勞父母世途何敢薄親朋矯情不厭嘗書忍學道曾聞在去矜吹面寓意止春風幾時到堦前但覺綠蕪增

漂母祠

一飯於人豈足言英雄知己最難諼當年不有酬漂母幸有辨信金事漂母何繇此日存



南池步少陵韻

沽酒南池曲。清波好泛舡。雨荷堪宿鷺。風柳若聞蟬。  
遠道孤征日。微涼薄暮天。不須尋地主。爛醉卧青氊。

過韓莊湖

鳴柳何處發。軋軋此方偏。極望雲垂野。浮空水沒天。  
鶴癯窺蟻垤。鷄餒趁魚舡。謀食當前足。長征總漫然。

送戴簡庭下第歸

秋深叢菊獨香遲。采采籬邊蝶未知。鳴廡豈愁無伯樂。  
揮絃應待有鍾期。霜飛落葉人歸處。酒醒踈鐘雁度時。  
歲晚已嗟長作客。不堪江上又旌旗。

覆屋嘆

長安浹旬雨。簷霤若飛瀑。翻堦水傾門。入戶泥沒足。  
水居既非舟。陸處亦非屋。蛇穴土墻下。積虛成空谷。  
夜半楹棟摧。我猶枕上伏。茅茨勢力微。幸未成顛覆。  
古人戒垂堂。俛仰嗟微祿。

寄舍弟季貞下第



蒲柳榮春候。松柏茂霜期。早發良非幸。數華各有時。汝年猶未壯。汝志安可隳。莫學阮嗣宗。醉飲無嫌疑。莫學謝幼輿。折齒空爾為。才大國難容。險途古所危。張羅滿山坳。君子貴自持。試問任達者。誰其絕軒墀。谷蘭不見採。信亦數之奇。或乃老其才。自棄我傷悲。亦曰尚慎旃。勉修今儀。

風吹樹

夜半風吹樹。搖搖無定枝。枝折當復生。風吹無靜時。

無題七首

座擁貂蟬氣不寒。鄴中名彥共盤餐。椒花帶紫風偏烈。梅子垂黃雨亦酸。金賜侍兒因浸玉。殿開甲帳為棲鸞。神仙豈是無情物。天路笙簫仔細看。不見常憐見亦憂。百花樓上許相留。青絲暗識廬江吏。白首終歸范蠡舟。侍婢正調鸚鵡舌。奚奴私典驪驄裘。城南城北春皆老。取醉何須萬戶侯。憶昔春宵值耗磨。高樓曲巷任相過。桐花滴淚隨風下。荷葉成珠瀉水多。送酒半翻紅袖口。投壺輕



掠碧雲窩。車輪腹內纔堪轉。又聽江南白苧歌。  
百和香飛紅錦鞵。霓衣縹緲上雲霞。柘枝拂地春  
燈亂。金縷迴風月影斜。解語幾時移芍藥。忘憂到  
處種萱花。可憐酒債如山積。賴有長門賦足賒。  
結綺曾賡江令詩。佳人愛唱竹枝詞。裁書務織迴  
文錦。贅壻須牽五色絲。月望預愁魚腦減。風多還  
恐鵲巢知。牟尼濁水真堪惜。倚遍闌干榻斷髭。  
天生才藝始空群。粉氣繇來非所聞。黃氏女郎精  
射策。秦家閨秀慣從軍。霜毫染黛青螺淺。金印鎔

釵彩鳳分。秣馬倘能回一笑。碧紗何惜麝蘭薰。  
江草江花若有思。明珠十斛是吾師。韓姬枕畔潛  
留客。鄭女泥中解詠詩。指見玉環前約續。謀探金  
合舊恩羈。名標尹姑徒虛美。蠻婢鮮卑故不癡。

客懷

新桐踈雨憶連床。薊北烽烟又一霜。久客不知身  
是主。思歸長倚夢為鄉。病餘弱骨風吹戶。賦就閒  
情月滿梁。日夕金臺勞祖餞。渾河東注水茫茫。

懷靳茶坡



南齋詩集  
高卧茶坡二十年。風流不讓竹林賢。功名豈肯因人熱。詞賦無如舉世傳。千里燕臺愁裏月。四時淮浦望中烟。幽棲此日知何事。取醉多應傍甕眠。

夏日館中遣懷

忝竊清班亦偶然。瀛洲地近五雲邊。堦翻紅藥移磚日。路夾青槐映木天。溫飽原非吾志在。優游自是主恩偏。曾無寸補徒增媿。好蕪芸香理斷編。

觀嘉禾應制

欣傳嘉穗獻龍樓。率育知消旰食憂。魯史大書登

萬寶周王無逸驗。三秋豈勞魚夢占。豐歲未待豚穰慶。滿篝從此普天皆買犢。坐銷兵甲事東疇。

秋日雨霽

濕雲傷久晦。曙色辨新晴。氣豁西山爽。烟開北闕明。高天浮雁影。古木下蟬聲。不藉秋陽力。誰觀萬寶成。

詠螢火步魏給諫環溪韻

自顧矜微質。翩翩遶竹扉。火流金蚤伏。涼至露還飛。堦蘚生陰照。林花點翠微。蘭臺方永夜。賴爾藉



餘輝

將迎 太夫人入京聞舍弟季貞往省漢陽

不果

無計晨昏侍老親。長淮入夢每沾巾。山川是遠何曾阻。音信雖多恐未真。行役江干嗟予弟。扶從闕下仗誰人。幾時南北能兼顧。獨上金臺跂望頻。

對菊二首

荏苒衣將授。踈籬始著花。秋高存晚節。霜冷傲春葩。彭澤官聊寄。沅湘思正賒。故園誰復采。把酒獨

天涯

燕市悲歌地。黃花亦此留。落英饑可療。釀酒法宜收。醒醉無人識。寒暄各自謀。暮天餘冷韻。蜂蝶豈知求。

丙申元旦 時父守漢陽弟季貞侍母於家

雙親天外各加餐。並入京華一夢難。湖北風清官舍晚。淮南雪霽草堂寒。辛盤有弟寧兼餽。花勝無人祇獨看。五夜朝元拜。君賜遺羹何日始。承歡

登毘盧閣

皇州佳氣晝氤氳。城市郊坰總未分。野闊有亭遙入霧。山高無樹不生雲。西陵落照當窗見。北苑踈鐘隔界聞。誰關靈區供眺詠。系濤萬壑洗塵氛。

春夜月下和陸石齋二首

薊門春信晚。三月尚輕寒。真氣容狂客。閒情愛冷官。好花擎佐酒。新笋斲克盤。到處車塵滿。名流促膝難。

餘興頻遷坐。長空月欲斜。堂閣巢穩燕。風靜柳眠鴉。更酌還娛客。清談豈憶家。來朝須並轡。遍看上

林花

喜舍弟季貞至燕三首

幾載虛姜被。今同作旅人。對餐疑是夢。久語却沾巾。兵甲湖南滿。鶯花江左新。弟兄憐契闊。詩句見情真。

見汝無憂色。心知堂上安。青雲時落落。朱藥夜漫漫。共愛兒童遠。猶傷骨肉寒。

時二兄失散未得消息大兄五弟相繼逝

天涯纔聚首。爛醉且為歡。

我亦金臺客。汝來翻作家。酒醒三歲夢。燭散五更



南齋詩集  
花別久情難盡。歡多病轉加。西山空翠好。春色滿  
京華。

病中李保養年伯見過兼送備兵荆西

舊楚學使

長者高軒過。支床廢送迎。當年開絳帳。此日重金  
城。郢樹穿飛蓋。巫雲引去旌。悠悠望江漢。益動省  
親情。

送張考功鞠存罷歸

三月江南花亂飛。子規爭唱不如歸。小山堪隱期  
原定。空谷雖遐夢肯違。梅雨乍霑征旆濕。柳綿遙

在朝無補不  
如歸去

觀去轅稀。悠悠世路何須問。我亦從君願息機。

望晴

杳靄三時晦。蕭森五月秋。雲深雙闕隱。烟積萬家  
愁。石燕歸還起。池蛙聒未休。何能瞻霽色。金景遍  
神州。

送舍弟季貞南歸

何事催南棹。倚閭望正賒。爾歸翻似別。予客轉如  
家。水疾檣鳥穩。風輕海燕斜。登樓遙縱目。惟恨暮  
山遮。

送沈繹堂先生分憲大梁

北門方視草。司憲藉名流。梁苑嘉賓滿。繁臺古樂留。常公曾出鎮。蘇子亦為州。効職無中外。絲綸旦夕求。

九日退朝憶舍弟季貞

退食憐嘉節。臨風憶故鄉。雁聲寒落日。樹色淡微霜。奉勅詞纔撰。登臺讌豈忘。茱萸偏罷插。使我夢西堂。

與潘從事南歸

爾念關妻子。長途不憚勞。晚程隨雁陣。曉店警雞號。夢逐江烟闊。寒憎朔吹高。好傳迎養意。鼓棹及春濤。

歲暮有懷故園

獨上燕臺縱遠望。雪花迴散四茫茫。蕭條風景天涯苦。曲折人情我法傷。歲稔尚愁農父病。時艱莫問故園荒。最憐舍弟衝寒出。兩地親心入夢長。

奉贈學士羅篁菴年伯南歸

白璧雜燕石。青娥閒楚宮。古道苟不渝。德符良自



克。君子秉遠志。濯魄鹵江空。匡廬挺竒姿。鸞湖揚  
宗風。十載侍明光。擣辭燦朝虹。鸞驚天外翔。安能  
羈藩籠。丙曼懸車時。奚俟黃髮翁。去去卧白雲。鶴  
書旦夕通。

擬郭景純遊仙詩

處世資待繁。衣食駐精魄。禮俗成羈鞅。形神故相  
厄。羨彼採真遊。高步超常格。馮虛凌倒景。日月在  
襟帛。十洲瞬息間。崑崙與碣石。悲哉腐鼠徒。流蕩  
除仙籍。試誦遠遊篇。韓衆空今昔。

丙申京邸除夕

寒暑蕭然病骨支。京華三值大難時。風光不及江  
南蚤。花信何嫌薊北遲。歲歎賴分五斗俸。身羸常  
繫二人思。可堪燒燭通宵坐。無限孤懷祇自知。

丁酉元日早朝賜讌恭述

迎面條風應律溫。含元大享敞千門。龍墀日射金  
雞畫。鳳鼎香飄白獸樽。計吏臨軒陳異俗。講官重  
席暢嘉言。普天共慶陽和蚤。萬點紅梅遶仗暄。

賦得春水滿四澤



陽春一以布。雨澤方浸淫。岸草含綠烟。清光淡人心。東風扇微波。陂塘漸已深。野艇搖漣漪。閒鷗恣浮沉。雖非永和會。修禊同山陰。桃花流渙渙。撫景發浩吟。盈虛故若斯。悠然遺古今。

與嚴海及

大江揚東風。奔濤如山來。世路伏危機。碣石愁崩摧。所賴忠信人。披髮安流迴。呂梁與馬當。瞬息平風雷。既親三楚濱。鷹擊鳥雀猜。蓄疑兆芽蘖。貝錦生蒿萊。忽遇魯仲連。排難心魂開。是非了一言。反

側難為災。藹藹東日暉。德心良可培。

時雨恭紀

時暘時雨叶箕疇。步禱深宮賴睿謀。黑蜺有靈符五事。土龍無恙散千憂。秦壇厭見陳巫覡。閭里懽言罷督郵。共識百神咸效順。嘉禾獻瑞紀農休。

擬古二首

氣化代謝眇焉中。處前不我貸。後不我與。日邁月征。奮我心。膺偷蔭。視息虎。變為鼠。蘭生當門刈之亦臭。堦草弗除。厥生日茂。窮通何



常內省勿疚與為驚肥毋寧鶴瘦  
送余雁峯同巖古峯之東省

十載聲名老辟疆壯遊今始到漁陽長檠快讀凌雲賦足馬旋催帶月裝買宅不知何地穩看山幾見似君忙追隨况有平生侶山店飛花撲酒香

送趙五絃司李兗州

共是京華客離筵今夕過宦情君始歷鄉夢我偏多雲氣連東嶽濤聲落大河此方鄒魯是文學近如何

雨夕

空堦浙瀝似秋初夜靜人間暑氣踈贏得片時車馬寂當軒一枕自蘧蘧

夏杪戴簡庭招集徐家亭子和白下謝二峯

夫子韻

車馬三年客長懷湖上洲漸來山氣爽遙聽水聲幽舫笛移前渚溪雲擁半樓一觴陪杖履聊當石城遊

題金浩然畫報國寺松圖



雙松盤鬱起雲端。滿紙森森六月寒。應是蒼龍天上種。却從平地起波瀾。

八月一日聞雁與舍弟季貞限韵  
不覺西風至。鴻飛度碧天。一聲來薄暮。孤影別經年。應候知寒暑。成行得後先。鄉書誰與寄。迢遞隔江烟。

贈同館鄧玉書新婚

桓女乘龍舊。齊卿卜鳳昌。玉堂雙壁合。錦幔五絲長。賜筆沾螺黛。朝衫染麝香。小春天氣暖。瑤瑟鼓

由房

送謝二峯夫子同舍弟季貞南歸二首

夫子栖栖傷遠遊。未堪予弟更離憂。碁飛空外聲何著。花落無邊香尚留。躡屐登臨酬幾歲。連床風雨盡三秋。祇今並轡東南去。日暮黃雲黯不收。回首江鄉竹裏樓。十年負笈每相求。高吟共望鍾山月。清興時登淮水舟。嬾慢欲依三逕卧。逡巡還作五陵遊。離情此日誰能遣。目送飛鴻到石頭。送方爾止南歸兼懷舍弟季貞



南齊詩集  
與君久神交。長憶舍弟詩。舍弟素高視。儕輩多所遺。于君獨俛首。此意良可思。予雖握手初。一見情已移。展卷讀君作。老氣何蒼奇。媿媿陳往事。肝膈無弗披。高情針芥投。豈敢謂新知。獨憐舍弟旋落魄。無追隨。聞君欲遠征。卜宅淮水湄。晨夕當過從。陶然醉東籬。笑我滯燕臺。一官空爾為。

哭從弟子高

憶送皇華驛。依依爾最親。出門方四載。入土竟三人。先是五弟中行從。弟子正相繼卒。失怙憐尤蚤。謀生苦獨貧。况

兼家難集。哀淚倍酸辛。

戊戌元日奉

母獻歲

時大人守漢陽弟季貞留淮

一日春光半又虛。天涯苦樂竟何如。歲朝花勝隨鄉俗。元會爐烟繞帝廬。共被幾經風雨斷。過庭猶覺夢魂踈。祇今依戀惟慈母。努力承歡奉板輿。

喜靳茶坡入都

廷試

淮干別後憶連牀。南北音書盡渺茫。握手五年纔此夕。離情千里並他鄉。帝京賦獻花迎轡。驛路詩成玉滿囊。正是上林春色好。欣然相對莫停觴。



送薛給諫式九歸鹽城二首

長安經月雨。送客似深秋。把袂難為別。停卮此暫留。  
野。花。連。遠。渡。官。柳。拂。行。舟。今。日。離。亭。晚。孤。征。何。處。投。

知已京華少。春風又別筵。旋歸知計日。契闊定經年。  
鉛槧余徒握。絲綸爾待宣。射陂好林壑。未許以高眠。

送黃行人蘭巖使東郡便道歸里二首

覽勝曾憑望嶽樓。五年不復記初遊。因君忽動登

臨興。齊魯青青極目收。

蒿酒新筍蟹正肥。丘三何日不思歸。那應悵望河橋外。又見風帆曉夜飛。

送同館史及超歸養

京華幾載共追從。歸養東臯志每同。烏鳥一封先令伯。白雲千里待梁公。霜裘匹馬驅寒夜。雪路空囊任曉風。君到四明心早慰。淮干何日定飄蓬。

恭送老母南歸

燕邸無多日。家書屢促歸。子情南北異。母念去留



非囑別言多。復含悽淚。忍揮何緣求。祿仕捧檄。迥相違。

戊戌除夕

今夕殊難遣。三更遠是春。一杯殘歲酒。幾載異鄉人。慈母歸淮浦。嚴親守漢濱。椒花何日頌。又此負盤辛。

送同館沈青城還吳下附寄家書

三月吳門花正然。錦帆東下望如仙。垂楊夾岸牽風煖。芳草長堤帶雨妍。身計五湖行自適。友懷千

里夢長懸。烟波何日浮淮浦。韓信城南一繫船。

報國寺看海棠

九陌車塵日未闌。得投僧舍已春殘。花前自笑殊無賴。六歲于今纔一看。

寒食賜酒奉歸遙奠先霖川伯兄中行五

弟兼傷久也仲兄

東郭荒原上。西湖古寺前。招魂瘞何日。

余仲兄遭亂失散今

十五年不審存亡時與季弟遙議招魂葬未決列祀廢多年。每邁清明節。

空傷寒食烟。君恩頒法酒。遙奠淚潸然。

周左台夫子入都賦呈

憶從總角早傳經。精舍依稀萬卷橫。遮戶紫荊花  
在望。迸泥綠竹笋如迎。友朋同學皆離別。昆弟多  
才半死生。今日吾師過薊北。一尊聊慰十年情。

報謝二峯夫子

滿地秋風送別離。至今抱璞尚餘悲。開書白髮驚  
新歲。把酒黃花夢舊時。老矣一官知有待。歸歟三  
徑恐無貲。從來朝市俱堪隱。何必江干戀釣絲。  
得淮酒同周左台夫子家從兄小修開飲

小甕踰千里。長途歷十旬。好同燕市飲。併作薊門  
春。物價他鄉貴。人情異地親。莫辭今夜醉。一榻早  
橫陳。

早秋同項眉山耿近龍楊脩墊過陳階六槐

軒有懷胡又弓

連宵積雨漲階除。漸覺涼生暑氣疎。嘉客互留何  
問主。故人遙望獨愁余。雲迷南國征鴻少。露濕西  
山落葉初。共愛婆娑老槐下。莫教良夜便迴車。

搗衣



戊婦經秋思最深。淒淒月下響寒砧。塞垣未必征衣少。自序偏費幽閨萬里心。

送程伯建南歸

似爾干霄彩筆雄。如何此日尚飄蓬。芙蓉秋水一聲笛。鴻雁長天萬里風。短棹悠悠憐獨往。孤樽黯黯悵誰同。遙傳北固烽烟息。剩有平山菊幾叢。

秋日過草橋園二首

以雨逢新霽。乘閒度草橋。園亭多廢址。碑碣半前朝。夾路平林暗。迎門積水遙。停驂聊此憩。野鳥若

相招

郭外人踪少。秋烟草一庭。小橋紅樹隱。曲檻碧溪停。寂坐延孤賞。微吟寄獨醒。歸途情未已。夕照滿林坳。

豐臺尋菊還過望仙樓集草橋園同徐山琢

金式菴王石農家從兄小修限韻三首

秋墅風烟淨。招攜興不孤。踈籬憐寂寞。野館愛盤紆。圃廢遊麋鹿。溪寒長荻蘆。得閒車馬外。蕭散即江湖。

仙閣凌空構。蒼茫一望間。秋光連北闕。夕照滿西山。跨鶴知何往。飛鴻杳未還。倚闌蓬島近。長嘯出塵寰。十里雲迷路。重來覺更佳。亭空飛落葉。磴仄轉荒厓。選勝供高詠。探幽愜素懷。京塵還幾丈。遊事有吾儕。

贈王石農

有客南陽卧。嘗為抱膝吟。偶然來薊北。相對說淮陰。酒熟無軒冕。詩成自古今。幾迴遊郭外。秋色滿

衣襟。

咏西河新柳

梅花初落雪初消。春色融融上柳條。隔岸珠簾看漸捲。高堤玉勒駐偏驕。宮鶯細囀長門閉。樓笛橫吹故國遙。來往不堪頻折取。離情一望滿河橋。

赴瓊州答別諸館丈

幾年南望不勝情。此去歡從故里行。君命未須分近遠。臣心何用別枯榮。夢依鸞掖仙雲渺。路入蠻荒瘴雨迎。賴有諸公綸閣上。佇看薄海奏昇平。



南旋喜王石農同舟二首

幾歲西清卧。扁舟歛向東。山連蒼莽外。人老去來中。夜月南枝鵲。霜天北塞鴻。何期偕故侶。吟望一推篷。

江湖舊曾約。鼓柁此相同。出世交原淡。還家夢已通。烟雲消酒榼。鷗鷺狎詩筒。招隱何須反。淮山有桂叢。

舟泊天津酬同年孟亦若

故人久不見。邂逅還。淒然更當萬里別。再晤知何

年憶與君同門。遥遥十載前。世氛多變更。感君金石堅。茲行踰嶺嶠。跋涉彌迤邐。安能不停橈。攜手暫流連。登堂日云夕。花竹清以妍。率真具盤飧。放懷絕拘攣。但覺故舊歡。曾無岐路憐。子姪羅我旁。勸酬尤纏綿。此情洵爛熳。相對忘睡眠。直沽流水聲。終夜何潺湲。明發重回首。漠漠津門煙。

晚泊安陵驛

孤懷憶鄉信。薄暮少人來。野闊烟光迥。天空霽色開。收帆依古驛。就月上荒臺。不斷河如綫。淙淙向

北迴

過武城

昔日絃歌地。人家隱落暉。邑荒存古堞。岸徙倒殘扉。曠久河源竭。年深土俗非。蕭條今過此。空自仰前徽。

土橋新霽

夜雨知深淺。推篷覺曉催。亂山初旭上。雜樹遠烟開。野霽鳴鳩急。沙明浴鷺迴。土橋經信宿。今喜放高桅。

雨次東昌登望岳樓不果

午烟迷古堞。暑雨滑層厓。草淺沙痕出。雲深嶂影埋。登臨停白舫。泥滓阻青鞵。勝覽無端廢。憑誰一寫懷。

魯橋舟中立秋

三千驛路逐征塵。潦倒都忘節序頻。細雨半帆收溽暑。涼風一榻動蕭晨。陶潛漸喜田廬近。潘岳初驚鬢髮新。此夕故園桐葉落。浮瓜應念遠遊人。

七夕泊董口對月



南齋詩集  
董口孤維纜黃河入夜寒飛星過遠樹斜月漾迴  
瀾鄉路分明近歸心漸次寬開篷憐穉女乞巧到  
更殘

同舟王石農馬羲徵家從兄小修於河口別

去

萬里沙塵路相依直北還開帆當暑雨隨地看秋  
山談笑風波慣窮愁詩酒刪忽聞襍被去悵望水  
雲間

中秋前一夕招望社諸子集放生池限亭船

二韻

招邀選勝集林垆散聚真如泛梗萍堪悵七年留  
北蘄漫嘲萬里徙南溟聯床舊雨詩千卷載酒新  
秋水一亭隔岸漸看明月上寒城遙帶暮烟青  
北池入夜更幽妍乘興還移罨畫船漁火塔燈分  
霽月寺鐘城角靜霜天惠莊濠上閒情寄嵇阮林  
間逸事傳莫漫便迴蘭漿去依依欲伴渚鷗眠

秋日望社諸子招集湖心寺前樓限韻

不盡鐘聲出寺樓相尋文酒正深秋霜飛黃葉禪

南齋詩集  
林靜烟冷蒼蒹野岸幽、萬里關河愁斷雁、百年身  
世愧閒鷗、諸君愛客情偏重、急管繁絃夜未休、

通州彭彥伯署中夜集

秋螢真五別、鼓楫遠相尋、海國烽烟靖、江郊雨露  
深、清風吹晚暑、皓月起前林、握手情何極、長歌夜  
欲沉

夜泊江口

一為燕邸客、數載斷遊踪、重與江山見、真如故舊  
逢、寒星動淺水、初月上遙峯、野寺藏何處、悠然到

遠鐘

金陵偶感

雨花臺上涼風起、木末亭邊秋草生、此日遊人都  
不到、空山愁殺暮蟬聲

秦郵道中

重湖路不盡、孤棹自茫然、石岸迴寒浪、蘆汀起暮  
烟、歸鴉喧野戍、飢鷺立溪田、矚目三洲上、浮沉又  
一年

拜辭 兩大人赴海南



不敢辭君命如何別老親絕裾非此日捧檄為誰  
人到海須三月浮槎只一身倚閭無以慰投劾肯  
逡巡

擬古五首

悵悵西門道垂垂楊柳絲搖搖傷我心送君將遠  
之遠之萬餘里日歸知何時炎方瘴癘多晨夕慎  
自持

日落上河橋移步復遲遲向君默無言中心焚如  
絲君素秉高節故園安足羈上有白髮親下有黃

口兒

鬱鬱園中蔬青青郭外田饔飧良足給跋涉胡為  
焉丈夫愛平生身名貴自全安能事罄折與世相  
周旋

桃李何灼灼案柏何蒼蒼君行萬里道車馬何悲  
涼天際看高鳥雲烟任翱翔朝南暮復北羽儀多  
輝光素志信能抒寧為遠道傷所傷直亮難無如  
守舊鄉

送君臨城隅城鳥啼復飛天昏日薄暮倦羽行知

人羨官者之  
樂求之不可  
得殊不知有  
如此苦事

歸踟躕重踟躕君心量不移欲往不可得欲別難  
為辭我依舅與姑君行天一涯天涯曷有極瞻望  
心傷悲

花朝泊廣陵與張虞山舍弟季貞分韻

別家纔幾日客路已揚州雨暗江聲細風和柳色  
柔詩情生舊侶花信入新愁極目平山外征帆何  
處收

附季貞詩

纔送天涯客花明二月風見梅愁

庾嶺折柳過隋宮歌吹聲何處江湖夢不通感

時兼恨別斷岸夕陽紅

留別孫豹人龔半千

蘄北淮南不記程相思幾日夢魂平三冬雪路虛

移棹

去冬特挈舟  
過訪未值

二月雷塘快舉觥詩卷滿囊纔

共展風烟萬里又孤征多情饒是隋堤柳飛絮漫  
漫送我行

登金山同張虞山舍弟季貞

高步金山寺蒼茫萬象空氣吞滄海外波立大江  
中殿閣雲長宿巖崖徑每窮登臨同不倦下界落



南齊詩集  
霞紅

附季貞詩 浮玉黯登臨中流問陸沉江聲餘  
戰伐山氣自晴陰題壁三年淚飛帆萬里心日  
斜鐘磬響更上最高岑

於鄧尉送閻牛叟北歸二首

花飛萬樹滿遊人望海孤隨鳥路塵執手此時同  
鄧尉涇溪庾嶺各傷神

江北江南春未休梅花如海送人愁眼前便有枝  
堪折不用相煩寄嶺頭

京口留別王融生用姚山期起句

萬里要荒作逐臣勞君送我過江濔片帆明日西  
南去無處烟波不愴神

江上答別舍弟季貞二首

此日憐吾弟殷勤送遠征三春同客棹千里向江  
城及別渾無語相看總不情從今故園月遙共海  
南明

莫謂登臨勝離懷倍黯然寒江吹細雨高嶺散輕  
烟把酒春同酌分題夜不眠留連知爾意只欲慰

南遷

三山磯

江上群峯出青青到眼齊人家紅樹隱鳥道碧烟  
迷雨歇牧初唱春深鶯亂啼幽光看不盡惆悵失  
扳躋

同張虞山登迴瀾閣和舍弟季貞題壁韻

危閣盤江嶼停橈載酒過天浮春水闊山傍夕陽  
多壞瓦穿蒼鼠翻潮浴巨鼉故園望何處壁上起  
悲歌

附季貞題壁詩

不識迴瀾閣津梁疲後過天

沉危岸下江折亂山多奔溜衝烏鵲晴沙曝白  
鼉客心無一事倚檻發清歌

望小孤山

不到潯陽已十年布帆無恙此南遷小孤山色仍  
如舊一任風波倚碧天

遊石鐘山

是晚逢談長益

維舟絕壁下孤城層嶂倚快我登高樓人烟落山  
底陰磴蝕苔蘚仄道翳荆杞凌虛紆折上雙劃峻



南齊詩集  
莫擬怪石蹲虬虎幽壑森竒鬼一步首一迴心目  
驚屢徙遠林隱潯江暮雨昏彭蠡俯瞰宵莫測駭  
浪擊撞起為聽鐘鎔聲殷殷熾罅啓或奏杳冥音  
或含清越理靜聆竦精魂愕極翻自喜忽漫故人  
逢縱飲不能已別久聚良難况對佳山水

望匡廬

結想匡廬峯咫尺失攀陟昔阻潯陽邊今滯蠡湖  
側晚嵐遙一氣風雨倏昏黑虛我濟勝具意興徒  
惻惻名山如良友佳覲誠難得

鄱陽曲二首

君似鄱陽湖浩渺空天際妾心三板船搖搖無所  
繫

裏  
聞說鄱陽湖水清照見底惟有三板船日在湖心

樵舍晚泊

客心依古驛樵舍晚舟橫岸逼村烟杳溪寒漁火  
明江湖親短棹風雨失殘更鍊騎愁南下三春又  
甲兵

南齋詩集  
章江送春

荏苒春光已九十，迢遙客路尚三千。  
綠波芳草連南浦，纜上高樓倍黯然。

臨江偶成

樹密連村暗，江空帶月明。  
不知山近遠，徹夜杜鵑聲。

新塗聞笛

梅雨絲絲章水清，天涯遷客泊孤城。  
樓頭吹出江南曲，萬里愁聞故國聲。

峽江三首

川塗萬山內，日晚泊江滸。  
亂峯瞰郭外，叢蒿連驛宇。  
居人看維纜，高立城頭語。  
荒坡虎跡多，未夕門已堵。  
縱金斷復續，戍火照寒雨。  
憂心不能寐，掩篷傾薄醕。  
夜短坐天明，呼僮去前浦。  
駕言理舟楫，山晴雲四吐。  
贛水衆山爭，峽門復陡仄。  
中流莫敢泝，百丈牽崖側。  
夏雨更霏微，石滑苦難陟。  
其勢敵天險，逆挽恃人力。  
呼號竟朝昏，仍在北山北。  
因惜順流人，領異



只頃刻  
前山望已斷迴互山復出崒岈拔地起怒浪日攻  
抉舟人跋涉艱肢體不遑恤攀巔雲齊頂下瀨水  
沒膝我見實心傷貴賤情則一安得險阻平往來  
任暇逸

吉水忽雨步龔芝麓宗伯韻

正愛晴烟迴沉陰變晚寒野雲昏到岸江水急迴  
灘路濕爭高挽山危欲倒盤機舟喧始定沽酒坐  
更闌

過十八灘雜詩三首

昨宿萬安城灘聲夜滿耳凌晨沂逆流觸目愈激  
詭白水瀉天河青峯裂地軌幽森失日月開闢瀉  
太始猿鳥不敢度牽挽無所倚盤渦隱雷蓄怪石  
潛江底我從謫官時側聞必歷此對之果惶恐艱  
險殊未已

高峯如雲湧變幻多奇狀縱觀極天表壁立忽相  
向去徑各已合前崖復奇創石罅一線開幽境轉  
夸曠老樹掛層鍊勁翮飛難上胡然蛟鼉吼聲挾

怒流壯子心殊坦坦三老正惆悵  
收帆日已斜岿嶠猶不斷亂峯浮暝烟濛濛失霄  
漢夜半月清迴村墟色蕭散鴝鷓時悲鳴鼯鼠自  
奔竄賈舶畏猛虎鳴鐸傍沙岸太息虔南地久矣  
罹多難大編復中編千里來更換王師何逍遙百  
粵方愁嘆

贛江遣興和張虞山

振策上高臺縈紆八境開七閩通海氣五嶺隔荒  
埃章貢波濤壯崆峒

山名在贛水南

風雨來歸心與去路

兩意共徘徊

與楊山立壘前韻

回首念燕臺銜杯懷一開五年成契闊萬里更塵  
埃北闕君猶近南天我獨來微名何足論故舊且  
裴裒

自南康入大庾路僅百里舟行五日江山偏  
側雜志觸目二首

晨夕荒山下盤迴溯夾江日斜猶在嶺雨暗忽吹  
窗霏濕同淮浦炎蒸漸海邦岸蛩已切切客思酒



難降

百里塵氛斷層陰暗石濠舟遲喧淺磧渡僻沒荒  
蒿虎氣連江火鼉聲入夜高更愁嶺海闊慘慘獨  
劬勞

南安晚眺

夕涼新雨過獨起眺烟汀峽斷雲餘濕鴉棲樹欲  
冥孤城帶野艇遠水落殘星淡月還高出微茫萬  
嶺青

過梅嶺二首

荒僻至南安直疑宇宙塞不謂過橫浦仍復開疆  
域亂山無崇卑萬疊互欹側仰摩天光青俯障地  
氣黑一步一境新一磴一憩息窠榕多竒姿雲嵐  
變衆色坡陀間村烟曲折成溝洫秧苗碧于水懷  
新見農力何幸兵火餘此地猶稼穡

驅車礙山角緩步畏日赤攀藤到嶺門轉見峯陰  
積遠天忽復近岫雲侵雙屐窠風何颼颼暑氣亦  
已釋懸泉自中頂萬古分嶺脉隱隱度榛莽高低  
響亂石誰為此疏鑿輸輓遂絡繹及今苦戰伐猶

未罷征役

登觀音巖

開闢何年始孤龕倚半巖雨迷隔岸樹風擁過江  
帆川谷寬塵網乾坤小石函老僧渾不語省我守  
三絨

清遠峽二首

峽有歸猿洞飛來寺

輕舟過不盡群岫障江天雨積雙崖合泉鳴百道  
懸禽言依綠樹佛宇出青蓮伐木聲遙應蒼茫入  
暮烟

江細群山束嶙峋勢益增曉昏雲氣奪雷雨石痕  
崩洞僻遺猿果菴荒暗佛燈客心愁入暮高峽尚  
層層

過佛山

南粵名香國繁華此佛山長衢番市列絕域賈船  
還珠珀懸纓絡珊瑚結佩鬟如何兵燹後物力不  
曾艱

海幢寺訪澹歸上人

何日歸蓮社皤然一老僧並除陶令酒亦解越王



冰五體經多難三衣入上乘趺跏禪室裏于世絕  
無憎

嶺南口占三首

地連海氣多卑濕天近山嵐易雨雲為苦陰晴常  
反復新紅木屐踏朝曛  
閣近珠江晚氣涼蒼榕濃蔭覆苔墻微風細入墻  
城葛隔院輕飄真臘香

羊城歌舞沸江濤府第雙開粵秀高不數花田當  
日勝素馨香盡長萋蒿

羊城旅夜用張虞山韻

月上潮來映畫梁俯臨水檻夜茫茫當年脂粉銷  
何處隔岸箏琶劇可傷榕老不才翻密蔭檀生多  
難為饒香鷓鴣慘殺啼花塢未許歸魂到故鄉

過小塘詠荔支

江渚清門巷家家種荔枝丹房爭映日綠蔭滿遮  
籬小摘連香蒂輕嘗愛玉肌馬嵬人去後風味更  
誰知

腰古驛

驛屬新興縣

漸覺荒江盡沙平水不流雨沉昏古驛雲濕壓危樓  
山果人爭拾烟林鳥倦投夜深晴月上愁復聽  
輶輶

立將公舍

荒驛無人跡簷虛易受風當門山色起隔院荔陰  
通夜雨清刁斗孤燈聽草蟲不知明日路何處挂  
雕弓

立將曉發

襪被初登陸風光異水涯石橋連古戍茅屋起平

沙應節宜時雨浮空變早霞前途無可住近午即  
停車

曉發抵黃牛灣

曉過雲林

山名

翠欲流籃輿斜遶樹陰稠黃牛灣近

烟光接白石村

土人避兵處

深雨氣浮千里兵戈餘僻

洞幾家桑柘出層樓輕裝且就旗亭解一甕能消  
客路愁

陽春山行

鷓鴣泣斷海雲遮蠻徑新開篔簹斜血染粘花紅



一路山連蕪草綠無涯平岡喜見驅耕犢異域驚  
來入貢車莫道珠崖多寶玉清貧只願早還家

茶亭晚興

長途偏苦渴避暑息茶亭山氣侵衣袂花光映戶  
庭重雲摩石黑驟雨逼天青曲折陽江道猿啼未  
忍聽

高涼道中遇方干霄雨至率別

萬里烟塵外驚逢使客車立談值風雨攜手過村  
墟瘴海人歸早蠻天我到初一聲猿叫處腸斷又

分裾

嶺西別金冶公大叅

公以史官分守

踈柳津門萬里船悠悠旌旆憶當年登臨早占三  
山勝詞賦遙從五嶺傳峽斷鷓鴣啼欲雨潮迎蛟  
蜃瘴如烟飛蓬還得依先達迴望承明共黯然

晚趨三橋

不辨經過路詢名總峒蠻野烟殘帶水寺影遠連  
山瘠土要荒外頌碑草樹間亂餘橋已斷未見馬  
蹄間

舟進州

避兵趨海曲一葉渺孤征黯淡硃州路微茫象郡  
城昔時獠已化今日鶴猶驚小泊愁風雨潮來浦  
溆平

出洋

咫尺雷陽是蓬萊在直東遂溪境有大蓬萊山辭家經萬里

出海任孤篷蜃氣昏如雨鼉聲暴似風心魂都盪  
漾愁定有蒼穹

晚泊遂溪舊縣港口

雨脚殘虹捲峯頭積水懸烟開黃接日潮起碧浮  
天斷港葭蘆合孤城島嶼偏須臾明月上宛見弄  
珠船

舍弟季貞送別張虞山有栝柳滿口血沾衣  
之句偶拈誌感

栝柳滿口血沾衣淚盡天南帶血揮幾恨當時輕  
作別却教今日苦思歸山川洵美心偏惡烽燧頻  
驚事更違遙望長淮渺何處海門遮斷白雲飛

宿海安守將宅



三日避兵徐聞城兩日守風海安口兵戈新定人  
未歸駐足無處總荒墟行逢駐防獨賢豪殷勤解  
榻誼何厚日暮更為設雞黍慰我愁思浮大斗無  
端簷角驟雨吹蜥蜴驚人滿地走重念王程不遑  
處待旦掛席天風吼

與張石兄夜話

茫茫絕島寄孤身天外驚逢舊邑人十口一家惟  
汝在兩朝萬里仗誰親厓門風浪傷遺事淮浦音  
書冷斷塵我却乘桴大非計不如歸去采秋蓴

